

Radøy kommune

Saksframlegg

Saknr	Utval	Type	Dato
010/2016	Radøy eldreråd	PS	04.02.2016
004/2016	Råd for menneske med nedsett funksjonsevne	PS	04.02.2016

Sakshandsamar	Arkivsaknr.:	Dokumentnr.:
Monika Soltveit Gabrielli	15/2143	16/1319

Kommunedelplan for idrett, friluftsliv og nærmiljø 2016-2026

Saksopplysingar:

Bakgrunn

For å kunna søkja om og få tildelt spelemidlar til ordinære anlegg og nærmiljøanlegg, må kommunane ha godkjent ein plan for idrett og fysisk aktivitet. Kommunedelplan for idrett, friluftsliv og nærmiljø 2016-2026 skal vera Radøy kommune sitt styringsdokument for ei langsiktig utvikling av anlegg for idrett og fysisk aktivitet, og friluftsliv i Radøy kommune og for å nå målet om å få «alle i aktivitet».

Denne saka gjeld vedtak om å leggja utkast til kommunedelplan for idrett, friluftsliv og nærmiljø 2016-2026 på høyring.

Vurdering

Kommunedelplan for idrett, friluftsliv og nærmiljø 2016-2026 inngår i Radøy kommune sin planstrategi, som vart vedtatt hausten 2012 (KS-079/12). I planstrategien vart det også vedtatt at eksisterande plan, *Kommunedelplan for anlegg for idrett, friluftsliv og nærmiljø 2008-2011* skulle vidareførast til ny plan er ferdig.

Formannskapet vedtok oppstart av planprosessen av og la planprogrammet ut på høyring 15. mars 2012 med høyringsfrist 15. mai 2012. Av ulike årsaker stoppa arbeidet med planprogrammet ei stund, men 20. mars 2014 vart planprogrammet vedtatt i formannskapet.

Det har vore sett ned ei administrativ arbeidsgruppe som har hatt ansvar for gjennomføring av planarbeidet. Dei som har vore med i gruppa i heile eller delar av prosessen er frå administrasjonen i kommunen: Lisbeth Alvær, Lin Tove Thomassen, Katarina Birkeland, Kjersti Flatråker, Odd Matre, Leif Taule og Bente K. Hervik. I tillegg har Bjørn Ove Myking representert Radøy idrettsråd i arbeidsgruppa. Formannskapet har vore styringsgruppe for planarbeidet. Ungdomsrådet, eldrerådet og råd for menneske med nedsett funksjonsevne har vore referansegruppe.

Det vart invitert til ope bygdemøte på Sæbø skule 9. mai 2014. Kommunen sine tenesteleiarar, råd for menneske med nedsett funksjonsevne og eldrerådet, er inviterte spesielt til å kome med innspel i løpet av planprosessen. Planarbeidet er presentert for frivilligsentralen, og ungdomsrådet har hatt saka til handsaming. Det er også gjennomført barnetråkkregistrering ved Manger skule,

og ein nyttar også tilsvarande registrering frå Hordabø skule i arbeidet med planen. I samband med eit prosjekt om kartlegging av friluftsområde har ein undersøkt skulane og barnehagane sin bruk av nærområda spesielt, og innbyggjarar sin bruk av friluftsområde generelt. Innspel som er kome til arbeidsgruppa i løpet av planprosessen er vurderte og ein del av dei er tatt inn i planen.

Det er lagt ein del statlege føringar for planarbeidet, mellom anna i *Meld. St. 26 (2011–2012) Den norske idrettsmodellen*, i *Nasjonal strategi for et aktivt friluftsliv. En satsing på friluftsliv i hverdagen; 2014–2020* og i *Meld. St. 19 (2014-2015) Folkehelsemeldingen — Mestring og muligheter*. Desse er følgt opp i arbeidet med planen. Kulturdepartementet har utarbeidd ein rettleiar for «Kommunal planlegging for idrett og fysisk aktivitet», revidert utgåve i 2014 og 2015. Denne rettleiaren har vore nytta i planarbeidet.

Planutkastet viser kva for rammer og føringar som ligg til grunn for planen, evaluerer resultatet etter førre plan, presenterer ein del utfordringar og utviklingstrekk, viser status for anlegg og aktivitetar i dag og legg mål og strategiar for arbeidet framover.

Planprogrammet slo fast at visjonen for planen skulle vera *Alle i aktivitet!* I utkastet til planen er følgjande hovudmål med:

Radøy kommune skal bidra til auka fysisk aktivitet for innbyggjarane i kommunen.
Radøy kommune skal leggja til rette for gode anlegg og område for fysisk aktivitet, idrett og friluftsliv.

Til kvart av hovudmåla er det fleire delmål med strategiar for å nå desse måla. Det er utarbeidd handlingsplan for planperioden 2016-2019 for ordinære anlegg, nærmiljøanlegg og langtidsprogram for perioden 2016-2026. I tillegg er det utarbeidd eit handlingsprogram for aktivitetsmål. Handlingsprogrammet skal rullerast årleg.

Konklusjon

Rådmannen meiner at forslag til Kommunedelplan idrett og fysisk aktivitet 2016-2026 i Radøy kommune bør vera eit godt grunnlag for prioritering av tiltak/anlegg og for å få tildelt spelemidler i planperioden 2016-2026. Rådmannen meiner også at tiltaka i planen kan bidra til auka deltaking i idrett og fysisk aktivitet i kommunen.

Rådmannen rår til at formannskapet legg planen på høyring i seks veker frå kunngjeringsdato.

Rådmannen sitt framlegg til vedtak:

Eldrerådet og Råd for menneske med nedsett funksjonsevne vil gje følgjande uttale til kommuneplanen for Idrett, friluftsliv og nærmiljø 2016-2026:

Radøy eldreråd - 010/2016

ELD - handsaming:

Eldrerådet ønskjer at aktivitet for personar i alle aldrar vert synleggjort i planen.

Framlegg frå Laila Pletten:

Eldrerådet ber om at etablerte aktivitetar for fleire grupper vert synleggjort i planen, og har eit tilleggsforslag i kapittel 5.1.15 i planen:

LHL har vekentlege aktivitetar for eldre:

Seniordans måndagar på Smits møte- og selskapslokale måndagar

Eldretrim i Tingstova måndagar

Sitjedans på Velferdssenteret onsdagar

Hjartetrim på Manger skule torsdagar

ELD - vedtak:

Eldrerådet ber om at etablerte aktivitetar for fleire grupper vert synleggjort i planen, og har ein tilleggsforslag i kapittel 5.1.15 i planen.

LHL har vekentlege aktivitetar for eldre:

Seniordans måndagar på Smits møte- og selskapslokale måndagar.

Eldretrim i Tingstova måndagar

Sitjedans på Velferdsenteret onsdagar

Hjartetrim på Manger skule torsdagar

Vedlegg:

Idrettsplan+til+høyring_web

Formannskapet til vedtak